

秀山志卷之十四

詩集七言絕

文孝祠

臨川曾極景建

德隱前星民已和山隈水曲廟何多皇孫不得承天統  
猶使而翁恨蠟鷺

過玉鏡潭

孫宗善

彭澤歸來雪滿頭新開三徑向池州潭名玉鏡傳聞舊  
老去那知遂壯遊

萬丈澄泓徹底清靜涵天影照人明山鷄不敢岩前立

秀山志

卷之十四 詩集

飛入松篁自在鳴

文選樓

陳忠希貞

遊觀猶不廢詩書天錫皇儲作大儒莫謂蘭亭將泣玉  
從來滄海有遺珠

過池州憶梁太子舊蹟

南昌李明睿太虛

昭明文選古今竒魚美何緣羨貴池才子風流多逸事

帝王儲副讀書時

釣臺

陳桂

帝子垂綸亦偶然千秋佳話至今傳眼前多少閒簑笠

風雨蕭蕭雪滿天

釣渭豈堪同耄叟逃名更欲笑披裘溪山別有情深處  
百尺綸竿一水悠

石城懷古

余翹

秀山蒼翠玉潭清人道南朝舊縣城文選樓知何處是  
邨社鼓賽昭明

蓮花塘

孫鐸

蓮花塘畔自清幽無數香情對客酬借問才華誰得此  
一篇詩賦一浮漚

秀山志

卷之十四 詩集

二

秋浦雜紀之一

陳肇曾 昌箕

高樓百尺想崔嵬雨後無緣步紫苔京口長江衣帶水  
鶴林曾上讀書臺

謁文孝祠

石埭 蘓汝霖 鶴州

蕭梁事業付荒烟秋浦遺祠尚儼然里社至今懷令德  
畫旗簫鼓自年年

秀山懷古

無錫 華 黃 中湄

梁武英雄氣不加桑門蒲塞滿王家獨留太子扶天監  
力為儒林護五車

文選樓高星漢間新亭風景舊河山石城秋水年々碧  
洗盡南朝金粉班

文選樓

王朱玉

蕭梁事業已無遺剩有高楼浦水湄風俗至今秋八月  
靈旌畫鼓動人思

前題

貴池曹晟

蕭梁遺跡自千秋秋浦猶傳文選樓寄語登臨詞賦客  
留題莫認在楊州

秀山

貴池夏耘牧菴

秀山注

卷之十四

詩集

三

載酒秋風幾度來選樓高並萬山開六朝留得當年月  
猶照寒潭古釣臺

至秀山登文選樓

舒應朝位公

燕語鶯啼花正飛春光偶步上崔巍選樓未許忙人坐  
且帶烟雲滿袖歸

寶珠墩

畢美玉

突起中田是寶珠多時輝映月明孤虬松挂得修髯在  
太息神龍去鼎湖

文選樓懷古

青陽孫育璋

子建風流空七哀玉書金闕見誰來獨今秋浦樓頭日  
長照當年一石才

玉鏡潭

貴池 陳大選

石倚空潭水一灣不將玉鏡照紅顏須知鏡面秋磨淨  
只映西南幾疊山

過瑯山有作

貴池 舒廷交 唐音

瑯山下水潺湲山上無人杖獨攀忽向晚風添箇伴  
綠陰深處鳥綿蠻

釣臺

東流 張怡裕 遂韶

秀山志

卷之十四 詩集

四

當年帝子恣遨遊為愛嘉魚俯碧流緱嶺笙殘人已杳  
空餘皓月映潭頭

秀山懷古

王世銓

往跡追維六代餘披尋時到野人居莫依釣石空惆悵  
早有鴻文重石渠

泛舟玉鏡潭

吳宏謨

輕舟一葉下澄潭草色迎風亂剪藍悵望當年垂釣處  
一鈎明月碧波含

文選樓

東流 張 翮 思遠

危樓高矗白雲間野色都從眼底攢惆悵校書人已遠  
招魂誰為到吟壇

玉鏡潭

貴池 施師數

一鑑清流匯碧灣纖塵不染隔人寰秋波時擁金鳧出  
照影徐窺月一奩

貴池 胡正學

披書餘暇倚簾攏縱目樓頭興不窮一片夕陽回照處  
老僧策杖度橋東

釣臺

胡心元

秀山志

卷之十四

詩集

五

片石巋然踞碧流儲君遺跡幾經秋白雲開處潭如鏡  
剩有何人泛釣舟

玉鏡潭

貴池 彭輔國 仰雲

一泓碧水帶南州夜色晶瑩映素秋飛雁一行天際落  
雙丫劃破碧波流

鏡潭泛舟

貴池 孫全炳

玉鏡潭頭泛小航清流一曲似滄浪數聲欸乃漁舟去  
隔岸寒鴉噪夕陽

釣臺

貴池 彭演 寅工

片石巍峩碧蘚環  
纖塵不染境寬閒  
漁舟歸去人無跡  
明月高懸映碧灣

釣臺

貴池 張承惠 君榮

玉鏡潭頭秋水清  
一竿投霧控長鯨  
至今把釣人何在  
惟有沙鷗逐隊行

登釣臺

貴池 彭 鑑 載書

兀坐高臺俯碧流  
無邊野色望中收  
至今誰是溪山主  
猿鶴依然識舊遊

釣臺懷古

貴池 彭 鍾 秀書

秀山志

卷之十四

詩集

六

一痕新月照溪頭  
為憶當年帝子遊  
大息碧波流不返  
高臺空自映千秋

謁衣冠陵

吳巨珩

松楸鬱鬱墓門生  
風雨淒淒山窟鳴  
祇恐孝思還未沒  
魂歸千里泣臺城

過昭明釣臺有感

貴池 彭 鐸 轍書

梁家事業付流澌  
帝子高臺峙水湄  
風景至今還似舊  
不堪重憶把竿時

秀山雜咏

崑山 徐德懷 王岑

池陽西南諸峰秀山為最已郊孟夏因公赴之  
甫至山里許僻徑僅容一人舍輿徒步層巒曲  
折直上雲端古木參天作龍鱗狀而旁怪石壁  
立若欲拔地奮起然岩下小溪清瑩可掬白鷗  
蒼雁出沒其中山顛有寺梁昭明昔遊處也今  
正殿旁有選樓三楹余駐宿其上簿書暇時一  
眺覽流丹飛翠在目前天外數峰雲鬟霧鬢  
若隱若現至於無語晴巒人烟古渡霞收日上  
雲破月來俯仰百變莫可名狀因即所見率成

秀山志

卷之十四

七

絕句二十五首其工拙固不計云

萃律奇峰拍面迎摩天古柏綠陰橫從教萬狀湏臾變  
秀出天然削不成

四圍山勢列圖屏萬頃蒼茫入杳冥望裡忽驚雲路斷  
一行白鷺破空青

穀傳空谷殷如雷伐木山崖傷水隈烟徑乍開還乍合  
山僧曳杖出雲堆

梁家帝子自登臨暮雨朝霞閱古今惆悵選樓遺址在  
千年山水有清音

靜倚高樓夏日長  
樓前柳色翠成行  
落花飛絮緣何事  
紅白參差到革床

鹿自隨羣鳥自呼  
機心靜處與天徒  
薰風吹遍方塘煖  
簇、新蒲護水鳧

山水依倚似若耶村  
活火鬪魚茶嗟予亦有相如渴  
細註盧經早放衙

雲來樹杪影摩娑  
日色斜侵上薜蘿  
山鳥飽餘將樂意  
綠陰深處叫哥哥

潭浸天上鏗鏘落  
雲向山腰迤邐開  
奇境無窮看不厭  
秀山志

卷之十四

小樓終日任徘徊

青山缺處野人家  
溪水淪漪石徑斜  
忽爾烟雲迷古渡  
頓教咫尺隔天涯

劇得黃精具早餐  
解衣磅礴數烟巒  
于今一飽無他念  
拚取長年付嬾殘

杳然仙境別塵寰  
出岫閒雲任往還  
烟霧欲消蒼翠合  
數峰天際掠鷗鬟

半嶺松聲來虎嘯  
一溪晝晦聽龍吟  
老僧見慣渾閒事  
赤脚科頭倚夕陰



瀑流三月尚凝寒，冰雪飛空隔座看。  
採藥不歸山寂歷，關、鳥語入晴巒。

背飛鴉陣歸林疾，十畝松陰風瑟瑟。  
那堪山色近黃昏，數聲清磬雲中出。

山光直壓吳峰碧，水勢遙拖楚澤藍。  
最是晚涼新雨後，桂旗翠羽態毵毵。

曾說瀟湘與洞庭，夕陽江上幾峰青。  
何由乞取鷺溪絹，會向圖中一比形。

風聲不到優曇樹，雨意頻添碧玉苔。  
山鼓忽鳴鶻石裂，

秀山志

卷之十四

九

空濛氣象望中來

返照入林紅欲斂，青山隱几翠成堆。  
興來不肯闌牕卧，搔首狂歌待月回。

蛙聲半部池塘碧，樹影招搖山鬼跡。  
夜深星斗落簷前，一輪澹月空牀白。

舉頭尺五碧天低，守罷殘更聽竹雞。  
入枕松濤眠未穩，恍疑身在武陵溪。

昨夜扶筇夢裡行，山靈揮手笑相迎。  
南朝六代繁華盡，水、山、別有情。

千竿翠竹敲成韻百頃風潭漾作溪禽鳥亂啼天欲暝  
負薪歸路夕陽低

一線天從復壁藏峽深雲樹鬱蒼蒼敲殘石髓流青汁  
老盡松根見白年

公車十日秀山叢吸露餐霞興不窮莫笑官貧無長物  
好收佳景貯囊中

文選樓

貴池 彭匡國 仰泉

蕭梁帝子愛幽居兀坐高樓夜校書迴憶六朝金粉地  
惟餘韻事屬青儲

秀山志

卷之十四

十

望秀山

建德 歐陽圭 玉章

虎踞龍蟠拱翠微丹崖遙見碧雲飛南昌空有滕王閣  
那見昭明得所歸

前題

建德 歐陽巖 魯瞻

玉鏡潭前湧秀峰岑樓傑閣隱喬松何時舒眼登高望  
攬勝頻開萬古胸

前題

建德 歐陽峻 嵩若

岑巒抱閣樹森、六代繁華閱古今此日行從山下過  
自然幽籟助清吟

釣臺懷古

桐城 汪兆鶴 東堂

不因詭口離宮闕  
安得漁竿上釣臺  
有客頓生今古恨  
繞崖空見水潑洄

秀山懷古

貴池 張兆麒 瑞庵

閒尋往跡步林邱  
山水清音趣自幽  
日落啼猿遍秋浦  
前星依舊燦樓頭

文選樓懷古

貴池 孫家芬 兆麟

危樓百尺踞高岡  
想見文芒萬丈長  
空有衣冠留寢室  
遊人時復荐馨香

秀山志

卷之十四

十一

謁昭明祠

貴池 胡元 立中

廟貌依然聳大觀  
秀山花雨自闌珊  
選樓摘艷餘香在  
手把遺編夕照殘

釣臺夜月

貴池 孫大右 啟人

浦水悠悠繞釣臺  
牽風荇藻共潑洄  
一輪明月溪頭照  
彷彿當年帝子來

玉鏡潭

貴池 陳大選

秋色磨澄水一灣  
幾回覓鏡笑痴頑  
須知千頃清沉底  
鎮日南山照影閒

釣臺

李光榮

惆悵蕭梁事業灰何如帝子有高臺月明秋夜烟波上  
想見當年鶴駕來

釣臺

貴池 彭慶懋昭

挿漢青峰画、開潭澄玉鏡水潑洄一從帝子垂綸後  
賺得遊人載月來

選樓玩月

貴池 胡元昭

幾點踈星斗柄斜清光一片接簷牙衡文人去樓空在  
閒倚朱欄玩月華

秀山志

卷之十四

十二

前題

貴池 潘大珩 楚善

選樓高峙月橫斜照徹藏書燦錦牙憶昔六朝風雅散  
前星依舊有光華

文選樓

貴池 何光儒 上珍

六代菁英萃底收秀山廟貌壯千秋當年樓閣披宸藻  
上有龍光射斗牛

放生池

前人

豈惟民庶飲天和圍圍洋洋樂意多今日我來池上望  
風過無浪不思波

謁衣冠陵有感

貴池 韓 鈺 萃美

趨謁來瞻帝子靈里人何處問前星衣冠陵寢歸然在  
老盡松楸草自青

秀山志

卷之十四

十三